



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-121-7/25**
Datum: **25.06.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ABAZOVIĆ“ d.o.o. Bužim, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Zaradostovo" u naselju Zaradostovo, Općina Bužim, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu, „ABAZOVIĆ“ d.o.o. Bužim, daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja radova na lokaciji kamenoloma "Zaradostovo", izgrađenog na zemljištu označnom kao k.č. broj: 3583, 3584, 3585, 3586 i 3587 K.O. Varoška Rijeka, a čije su granice istražnog polja odobrene Rješenjem Federalnog ministarstva prostornog uređenja i okolice o urbanističkoj saglasnosti, privremene namjene, broj: UPI/02-4-23-73/02 od 08.11.2002. godine, kojim se daje urbanistička saglasnost za eksploataciju mineralne sirovine kamena dolomita u okviru istražnog prostora, na lokalitetu „Zaradostovo“, Rješenjem Federalnog ministarstva energije, rudarstva i industrije, Up/I broj: 07-18-722/02 od 12.3.2003. godine, kojim se odobrava eksploatacija industrijske mineralne sirovine dolomita na eksploatacionom polju „Zaradostovo“ kod Bužima, odnosno Rješenjem Federalnog ministarstva energije, rudarstva i industrije broj: 07-18-853/03 od 12.12.2003. godine, kojim se dozvoljava izvođenje radova po Glavnom rudarskom projektu eksploatacije dolomita na PK – kamenolomu „Zaradostovo“ kod Bužima, odnosno Rješenjem Ministarstva privrede Unsko-sanskog kantona, broj: 06-18-11593-UP-1/2016 od 12.10.2016. godine, kojim se odobrava upotreba izgrađenih rudarskih objekata, postrojenja i uređaja na površinskom kopu dolomita „Zaradostovo“ kod Bužima.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnih objekata, u toku važenja ovog Rješenja, realizira dostavljeni detaljni dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje otpadnih voda, a najkasnije do 30.06.2026. godine (Prilog A) odnosno da izvede radnje predviđene revidovanom investiciono-tehničkom dokumentacijom – Glavnim projektom prikupljanja, tretmana i ispuštanja otpadnih voda i načina vodosnabdijevanja za kamenolom Zaradostovo; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-2-12145/25, dana 20.02.2025. godine, u Lukavcu, revidiranom od strane ovlaštenog pravnog lica Euroing d.o.o. Bihać, pod brojem REV 06-03/25, marta 2025. godine, u Bihaću; odnosno realizuje slijedeće radove:
 - Nabavka i instaliranje kontejnera za smještaj radnika do kraja juna 2025. godine,
 - Izradi sistem snabdijevanja vodom za sanitarne potrebe radnog osoblja te tehnološke potrebe obaranja prašine na separacijskom postrojenju i transportnim putevima unutar kamenoloma, razvodom do izlivnih mjesta (česma na platou za pranje radnih mašina i česma za obaranje prašine na transportnim putevima), i slično, do kraja jula 2025. godine,
 - Izradi plato za pranje i održavanje radnih mašina dimenzija 12,4 x 4,2 m sa slivnom-taložnom rešetkom dimenzija 7,0 x 0,3 x 0,5 m sa predviđenim ovičenjima i kanalisanjem otpadne vode prema uređaju za tretman,
 - o izradi skladište opasnih materija dimenzija 2,5 x 2,0 m sa tankvanom visine 0,2 m, do kraja augusta 2025. godine,

- Izradi sistem za prijem, transport, tretman i ispuštanje zauljenih oborinskih voda sa prostora platoa za tankovanje, pranje i održavanje radnih mašina. Taloženje i prikupljanje suspendiranih materija, čestica pijeska i zemlje vršiti u taložnoj/slivnoj rešetki platoa za pranje i održavanje radnih mašina te nakon toga instalirati uređaj za prečišćavanje zauljenih otpadnih voda – separator ulja i masti sa koalescentnim filterom i automatskim zatvaračem, sukladno EN 858.
 - Izradi predviđeno monitoring okno,
 - Izradi odvodni cjevovod \varnothing 110 mm, $l=16,97$ m do ispusta u okno RO OK-4, do kraja oktobra 2025. godine,
 - Izradi sistem za prijem zamuljenih oborinskih voda sa prostora radnih površina kopa, površina za skladištenje gotovih proizvoda (frakcije kamena) te transportnih puteva kamenoloma. Izraditi otvoreni kanal širine 50-150 cm, dubine 50 cm, dužine $87,67 + 34,49 + 14,13 + 34,27$ m.
 - Izradi betonski kanal sa betonskim poklopcima poprečnog presjeka $1,4 \times 1,2$ m, $l= 45,47$ m
 - Izradi taložnik za smirenje čestica pijeska i jalovine dimenzija $8,15 \times 5,4 \times 2,3$ m,
 - Izradi odvodni cjevovod iz taložnika do ispusta, \varnothing 500 mm, $l= 16,21$ m, do kraja aprila 2026. godine
 - Izradi sistem za prijem oborinskih voda sa okolnog prostora koje se slijevaju prema radnim površinama eksploatacionog polja izgradnjom obodnih kanala 50-150 cm, dubine 50 cm,
 - Sjeveroistočni krak dužine 317,4 m,
 - Sjeverozapadni krak dužine 209,5 m,
 - Zacijevljeni kanal dužine 87,36 m sa 4 revizionna okna, do kraja juna 2026. godine.
- 3.2. Da korisnik objekta za eksploataciju dolomita na površinskom kopu „Zaradostovo“ s pratećim sadržajima, u roku od **1 (jedne) godine dana**, od dana pravosnažnosti ovog rješenja, sa koncesorom zaključi aneks ugovora o koncesiji, budući da je važnost istoga prestala sa danom 4.2.2025. godine.
 - 3.3. Da korisnik objekta za eksploataciju dolomita na površinskom kopu „Zaradostovo“ s pratećim sadržajima, sa nadležnim ministarstvom, u važećem roku produži valjanost rješenja za eksploataciju industrijske mineralne sirovine dolomita na predmetnoj lokaciji, budući da važeće rješenje izdano dana 12.3.2003. godine, na period od 25 godina.
 - 3.4. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
 - 3.5. Opasni materijal i otpad nastao pri izvođenju radova i eksploataciji mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
 - 3.6. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
 - 3.7. Odabarnim sistemom tretmana otpadnih tehnoloških voda se mora obezbjediti da granične vrijednosti parametara efluenta budu u granicama vrijednosti datih u koloni 3, tabele 1.1 Priloga 1 te propisanim graničnim vrijednostima emisije supstanci i parametara kvaliteta za tehnološke otpadne vode – Granične vrijednosti emisija otpadnih voda iz iskopavanja kamena, kvarca, dolomita, definisane tabelom 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.8. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
 - 3.9. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
 - 3.10. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav

način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.11. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekata predviđenih za tretman onečišćenih oborinskih voda (taložnici i separatori ulja i masti), a zatim tretirane vode ispuštaju u recipijent.
- 3.12. Da se oborinske vode sa krovova objekata kompleksa pakupe i zatvorenim sistemom kanizacionih cijevi odvedu direktno u recipijent, odnosno, uraditi sve prema priloženoj projektnoj dokumentaciji, iz tačke 3.1. ovog Rješenja.
- 3.13. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.14. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.15. Osigurati priručna sredstva za brzu intervenciju u slučaju nekontrolisanog istjecanja naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „ABAZOVIĆ“ d.o.o. Bužim je dužan provoditi sve mjere i aktivnosti propisane istom.
6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:
 - Prvi put nakasnije do 31.12.2024. godine,
 - Drugi put nakasnije do 30.06.2025. godine.
7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) se daje sa rokom važenja do 30.06.2026. godine.
10. Ovo rješenje o vodnoj dozvoli prestaje da važi ako korisnik predmetnog objekta ne ispuni uvjete iz tačke 3.2. ovog rješenja.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ukoliko nosilac prava iz ove vodne dozvole u toku važenja iste, ne ispunio uslove propisane dispozitivom ovog rješenja i ne zadovolji propisane kriterijume koji se odnose na parametre kvaliteta tehnoloških otpadnih voda, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

O b r a z l o ž e n j e

Pravno lice „ABAZOVIĆ“ d.o.o. Bužim, obratilo se ovoj Agenciji dana 11.3.2025. godine zahtjevom, broj: 03-3-VD/25, zaprimljenim dana 17.3.2025. godine, za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Zaradostovo", izgrađenog u naselju Zaradostovo, Općina Bužim, a na kojem se vrši eksploatacija industrijske mineralne sirovine dolomita. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 1-446-00; izdan od strane Općinskog suda u Bihaću dana 20.01.2025. godine,
- Uvjerenje o registraciji poreznog obveznika; izdano od strane Federalnog ministarstva finansija - financija, Porezne uprave Federacije BiH, Kantonalnog poreznog ureda Bihać, dana 14.01.2015. godine (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-UPP/1-244/07, dana 01.08.2007. godine, (ovjerena kopija),
- Rješenje, kojim se privrednom društvu „Abazović“ d.o.o. Bužim, sa sjedištem u ulici Jurišnog bataljona 13 u Bužimu odobrava eksploatacija industrijske mineralne sirovine dolomita na eksploatacionom polju „Zaradostovo“ kod Bužima, na području Općine Bužim; izdano od strane Federalnog ministarstva energije, rudarstva i industrije pod, Up broj: 07-18-722/02, dana 12.03.2003. godine (kopija),
- Rješenje o vodnoj dozvoli; kojim se daje vodna dozvola investitoru „Abazović“ d.o.o. Bužim za prikupljanje, odvođenje, tretman i ispuštanje tehnoloških (industrijskih) otpadnih voda sa radnih, otkopnih, manipulativnih i pratećih objekata na lokaciji kamenoloma „ZARADOSTOVO“, izgrađenog na zemljištu označenom kao k.č. broj: 3583 i 3584 K.O. Varoška Rijeka, a čije su granice istražnog polja odobrene rješenjem Federalnog ministarstva prostornog uređenja i okoliša o urbanističkoj saglasnosti, privremenog karaktera, za izvođenje eksploatacionih radova na lokalitetu Zaradostovo kod Bužima, Rješenjem Federalnog ministarstva energije, rudarstva i industrije, Up broj: 07-18-722/02 dana 12.03.2003. godine, o eksploataciji industrijske mineralne sirovine dolomita na eksploatacionom polju „Zaradostovo“ i rješenjem Up broj: 07-18-853/03 od 12.12.2003. godine o odobrenju za izvođenje radova po Glavnom rudarskom projektu eksploatacije dolomita na eksploatacionom polju „Zaradostovo“ kod Bužima urađenog od strane Rudarskog instituta dd Tuzla septembra 2003. godine te Ugovora o koncesiji Br. KU 022/2005 za istraživanje i eksploataciju dolomita na ležištu „Zaradostovo“ u općini Bužim, zaključenog sa Kantonalnim ministarstvom privrede dana 04.02.2005. godine, u Bihaću; izdano od strane Agencije za vodno područje rijeke Save Sarajevo pod brojem UP-I/25-3-40-751-5/15, dana 21.01.2016. godine (kopija),
- Rješenje, kojim se daje investitoru d.o.o. Abazović, sa sjedištem u Ul. Jurišnog bataljona 13, općina Bužim, URBANISTIČKA SAGLASNOST, privremene namjene, za izvođenje eksploatacionih radova na lokalitetu Zaradostovo kod Bužima, u okviru eksploatacionog polja ograničenog tačkama A, B, C, D i E sa sljedećim koordinatama tačaka A ($y=582.311$ i $x=994.041$), tačka B ($y=582.300$ i $x=994.110$), tačka c ($y=582.327$ i $x=994.215$), tačka D ($y=582.489$ i $x=994.226$, i tačka E ($y=582.506$ i $x=994.101$), koje ograničavaju polje od 3,6 ha, sa površinom od 2,0 ha planiranoj za direktnu eksploataciju i izgradnju pratećih objekata; izdano od strane Federalnog ministarstva prostornog uređenja i okolice pod brojem: UPI/02-4-23-2-73/02, dana 08.11.2002. godine, u Sarajevu (kopija),
- Rješenje, kojim se privrednom društvu „Abazović“ d.o.o. Bužim iz Bužima sa sjedištem u ul. Jurišnog bataljona bb u Bužimu odobrava izvođenje radova po Glavnom rudarskom projektu

- eksploatacije na PK- Kamenolomu „Zaradostovo“ kod Bužima, iz septembra 2003. godine, koji je izradio Rudarski institut dd Tuzla, iz Tuzle, po projektnom zadatku investitora „Abazović“ d.o.o. Bužim; izdano od strane Federalnog ministarstva energije, rudarstva i industrije pod Up/I broj: 07-18-853/03, dana 12.12.2003. godine, u Mostaru (kopija),
- Odgovor na upit za izdavanje obnovljenog rješenja o okolišnoj dozvoli; dat od strane Federalnog ministarstva okoliša i turizma pod brojem 05/2-02-19-5-946/24, dana 27.12.2024. godine, u Sarajevu (kopija),
 - Rješenje, kojim se privrednom društvu „ABAZOVIĆ“ d.o.o. Bužim, odobrava upotreba izgrađenih rudarskih objekata, postrojenja i uređaja na površinskom kopu dolomita „Zaradostovo“ kod Bužima, kako slijedi: 1. površinski kop-kamenolom dolomita „Zaradostovo“ općina Bužim, 1.1. osnovni utovarno-transportni plato na koti + 290 m, 1.2. radna etaža na koti +300 m, 1.3. radna etaža na koti + 310 m, 1.4. pristupni put na E 300 i E 310, 2. Rudarsko-građevinske mašine: 2.1. Hidraulični bager CAT 214, 2.2. utovarivač Mičigen 125, 2.3. utovarač FAUN, 2.4. kamion kiper MAN 26-35, 3. Građevinski objekti 3.1. kontejner za smještaj radnika; izdano od strane Ministarstva privrede Unsko-sanskog kantona pod brojem 06-18-11593-UP-1/2016, dana 12.10.2016. godine, u Bihaću (kopija),
 - Izvod iz prostornog plana općine Bužim 2008-2028, MJ 1:5000, Sintezni prikaz korištenja prostora u planskom periodu-namjena površina; izdan od strane Službe za prostorno uređenje, geodetskih i imovinsko-pravnih poslova Općine Bužim pod brojem 02/1-19-4270-3/24, dana 04.12.2024. godine, u Bužimu (kopija),
 - Kopija katastarskog plana, Katastraska općina: VAROŠKA RIJEKA, Broj plana: 16, Nomenklatura lista: 5J16-7, Razmjera plana: 1:2500; izdana od strane Službe za prostorno uređenje, geodetske i imovinsko-pravne poslove Općine Bužim pod UR BROJ: 02/1-26-817/2024-1, dana 28.11.2024. godine (kopija),
 - Prijepis katastarsko-knjižnog uložka broj 972, Katastraska općina: VAROŠKA RIJEKA; izdan od strane Službe za prostorno uređenje, geodetske i imovinsko-pravne poslove Općine Bužim pod brojem 02/1-26-815/24-1, dana 28.11.2024. godine (kopija),
 - Rješenje, kojim se potvrđuju balansne geološke rezerve i kvalitet mineralne sirovine dolomita na ležištu „ZARADOSTOVO“ na području općine Bužim sa stanjem na dan 31.12.2021. godine; izdano od strane Ministarstva privrede Unsko-sanskog kantona pod brojem 06-14-3645-UP-1/22, dana 07.06.2022. godine, u Bihaću (kopija),
 - Mišljenje o uslađenosti predmetnog zahvata u prostoru sa prostorno-planskom dokumentacijom općine Bužim; dato od strane Službe za prostorno uređenje, geodetske i imovinsko-pravne poslove Općine Bužim pod brojem 02-19-4270-4/24, dana 04.12.2024. godine (kopija),
 - Uvjerenje, kojim se potvrđuje da lokacija PK - kamenoloma Zaradostovo ne području općine Bužim se ne nalazi u zoni sanitarne zaštite izvorišta vode za piće kojima upravlja JP „KOMB“ d.o.o. Bužim, u stečaju, a to su izvorište „Musići“ Lubarda/Abdići i Izvorište „Pivnice“ Konjodor; dato od strane JKP „KOMB“ d.o.o. Bužim – u stečaju, pod brojem 992/24, dana 04.12.2024. godine (kopija),
 - Uplatnica na iznos upravne pristojbe od 70,00 KM,
 - Glavni projekat sakupljanja, tretmana i ispuštanja otpadnih voda i načina vodosnabdijevanja za kamenolom Zaradostovo; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-2-1214/25, dana 20.02.2025. godine,
 - Revizija Glavnog projekta sakupljanja, tretmana i ispuštanja otpadnih voda i načina vodosnabdijevanja za kamenolom Zaradostovo; urađena od strane ovlaštenog pravnog lica Euroing d.o.o. Bihać pod brojem REV 06-03/25, marta 2025. godine, Bihaću,
 - Zaključak o visini i roku za plaćanje posebnih troškova; izdan od strane Agencije za vodno područje rijeke Save Sarajevo pod brojem UP-1/21-3-40-121-2/25, dana 28.4.2025. godine te uplatnica troškova,
 - Službena zabilješka o povratu projektne dokumentacije, broj: UP-1/21-3-40-121-4/25 od 20.5.2025. godine,
 - Saglasnost d.o.o. „Abazović“ Bužim, za dobijanje urbanističke saglasnosti od Federalnog ministarstva prostornog uređenja i okoliša u cilju izdavanja rješenja o odobravanju eksploatacije industrijskih mineralnih sirovina u šumi i na šumskom zemljištu na lokalitetu „Piskavac“ na k.č. 3584 i k.č. 3583 k.o. Koloska rijeka, u ukupnoj površini od 2,0 ha; izdano od strane Federalnog ministarstva poljoprivrede, vodoprivrede i šumarstva pod brojem 10-26-816-00, dana 05.07.2000. godine, u Sarajevu (kopija),

- Rješenje, kojim se konstatuje da privredno društvo D.j.l. „Abazović“ p.o. Bužim sa sjedištem u Bužimu, ulica Jurišnog bataljona broj 13, ispunjava uslove za obavljanje registrovanih djelatnosti iz oblasti rudarstva, energetike i industrije, kako je registrovano rješenjem Kantonalnog suda u Bihaću broj U/I-83/95 od 24.08.1995. g., broj registarskog ulodaka registarskog suda 1-446-00, a po Odluci o standardnoj klasifikaciji djelatnosti u FBiH „Sl. novine FBiH“ broj 28/98), odnosno ispunjava uslove za obavljanje slijedećih djelatnosti: C CB VAĐENJE RUDA I KAMENA, OSIM ENERGETSKIH SIROVINA 14. Vađenje ostalih ruda i kamena 14.1 Vađenje kamena 14.11. 14.110 Vađenje kamena za građevinarstvo 14.12. Vađenje krečnjaka, sirovog gipsa im krede 14.121. Vađenje vapnenca i krede 14.122. Vađenje sirovog gipsa 14.13. 14.130 Vađenje škrljava, osim bitumeniziranih 14.2 Vađenje šljunka, pijeska i gline 14.21 14.220. Vađenje gline i kaolina 14.3. Vađenje minerala za kemijsku proizvodnju i proizvodnju mineralnih gnojiva 14.30 14.300 Vađenje minerala za kemijsku proizvodnju i proizvodnju mineralnih gnojiva 14.5. Vađenje ostalih ruda i kamen, d.n. 14.50 14.500 Vađenje ostalih ruda i kamena, d.n. D PRERAĐIVAČKA INDUSTRIJA DI PROIZVODNJA OSTALIH NEMETALNIH MINERALNIH PROIZVODA 26.5 Proizvodnja cementa, vapna i gipsa 26.52 26.520. Proizvodnja vapna 26.6 Proizvodnja proizvoda od betona, cementa i umjetnog kamena 236.61 26.610 Proizvodnja betonskih proizvoda za građevinarstvo 26.62 26.620 Proizvodnja proizvoda od gipsa za građevinarstvo 26.63 26.630 Proizvodnja gotove betonske smjese 26.64. 26.640 Proizvodnja maltera 26.65. 26.650 Proizvodnja hidro cementa 26.66. 26.660 Proizvodnja ostalih proizvoda od betona, gipsa, cementa i vještačkog kamena 26.7. Rezanje, oblikovanje i obrada kamena 26.70 26.700 Rezanjem oblikovanje i obrada kamena 26.810 Proizvodnja brusnih proizvoda 26.820 Proizvodnja ostalih nemetalnih proizvoda, d.n. 45 Građevinarstvo 45.1 Pripremni radovi na gradilištu 45.11 Rušenje građevinskih objekata i zemljani radovi 45.12. Površinsko i dubinsko ispitivanje kamena za građenje 45.2. Visokogradnja i niskogradnja i izgradnja kompletnih objekata i njegovih dijelova 45.21 Niskogradnja 45.45 45.450 Ostali završni radovi 45.5 Davanje u najam mašina i opreme za građenje ili rušenje sa rukovaocem 51.23 51.530 Trgovina na veliko drvetom, građevinskim materijalom i sanitarnom opremom 51.531 Trgovina naveliko drvetom 51.532 Trgovina na veliko građevinskim materijalom i sanitarnom opremom 51.7 Ostala trgovina na veliko 60.240 Prevoz robe (tereta) u drumskom saobraćaju 63.12 Skladištenje roba 71.32 Iznajmljivanje mašina i opreme za građevinarstvo; izdano od strane Federalnog ministarstva energije, rudarstva i industrije po Up/I broj: 09-18-416/99, dana 22.02.2000. godine, u Mostaru (kopija),
- Ugovor o koncesiji Br. KU 022/2005 za istraživanje i eksploataciju na ležištu „Zaradostovo“ u općini Bužim, zaključen između koncesora – Kantonalno ministarstvo privrede USK i koncesionara – „ABAZOVIĆ“ d.o.o. Bužim pod brojem 06/3-18-1326-1/05, odnosno brojem 03-05, dana 04.02.2005. godine, u Bihaću (kopija)
- Prilog A – Detaljni dinamički plan po godinama sa aktivnostima, financijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 62/22), izvršen je pregled lokaliteta kamenoloma "Zaradostovo", koji se koristi od strane firme „ABAZOVIĆ“ d.o.o. Bužim, i tom prilikom sačinjen zapisnik o uviđaju, broj: UP-1/21-3-40-121-3/25 od 19.5.2025. godine, pri čemu je utvrđeno:

Eksploataciono polje je površine 2,56 ha ograničeno prelomnim tačkama označenim kao: A, B, C, D i E, te kasnije dodana nova tačka A, koje su definisane koordinatama (x,y):

Prelomne tačke	koordinate	
	Y	X
A	5 582 336,5	4 994 088,5
B	5 582 320	4 994 115
C	5 582 323	4 994 215
D	5 582 487	4 994 226
E	5 582 506	4 994 100
F	5 582 407	4 994 087
A	5 582 335	4 994 087

kako je definisano gore navedenim Rješenjem, kojim se odobrava eksploatacija kamena dolomita unutar eksploatacionog polja „Zaradostovo“, Bužim, izdanim od strane Federalnog ministarstva energije, rudarstva i industrije pod brojem 07-18-722/02, dana 12.3.2003. godine, u Mostaru.

Na predmetnom kamenolomu, u vrijeme izvršenja uviđaja vršeni su radovi na dvije radne etaže. Pristupnim makadmskim putem se nakon cca 200 metara izlazi na lokalnu asfaltnu cestu.

Na lokaciji su postojali slijedeći objekti i mašine/ postrojenja: sepracijsko postrojenje, utovarivač i kamion kiper. Na prostoru depoa gotovih materijala se nalazi veća količina kamenog agregata, odloženog prema zahtjevanim frakcijama (0-4, 4-8, 8-16 i 16-32 mm).

Snabdijevanje vodom za piće se vrši flaširanom vodom. Za sanitarne potrebe i tehnološke potrebe sapiranja prašine na separacijskom potrojenju i transportnim putevima u ljetnom periodu se koristi voda iz AB rezervoara/spremnika zapremine 25 m³.

Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom gravitaciono slijevaju unutar kopa te se infiltriraju u tlo, a dio sa okolnog tla se slijeva ka obodnom kanalu uz transportni put, kojim se dalje odvode do cestovnog kanala pristupnog makadamskog puta.

Nije izveden plato za tankovanje, sapiranje i održavanje radnih mašina, kao niti sistem za prijem, tretman i ispuštanje zauljenih oborinskih voda sa istog.

Nisu izvedeni obodni kanali za prijem zamuljenih otpadnih voda sa radnih površina kopa niti sa prostora depoa gotovih materijala, kao niti sistem za prijem, tretman i ispuštanje zamuljenih otpadnih voda.

Urađena je projektna dokumentacija, kojom je definirana izgradnja sistema za prijem tretman i ispuštanje otpadnih voda sa prostora predmetnog površinskog kopa, kako je to bilo uvjetovano predhodno izdanim vodnim aktom.

Pregledom projektna dokumentacije te uvidom na internet stranicu geoportal.ba, konstatirano je da je dio kamenoloma izgrađen na parcelama, za koje nije priložen dokaz da su u posjedu podnosioca zahtjeva, a to su: k.č. broj: 3590, 3582, 3579/4, 3579/1, 3579/6, 3579/2, 3579/3, 3578 k.o. Varoška Rijeka.

Sjeveroistočni obodni otvoreni kanal je dijelom predviđen na zemljištu označenom ako k.č. broj: 3590, dijelom izvan obuhvata eksploatacionog polja.

Sjeverozapadni obodni kanal je predviđen dijelom na zemljištu označenom kao k.č. broj: 3582, 3579/4, 3579/1, 3579/3 k.o. Varoška Rijeka.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Dostaviti:

- „ABAZOVIĆ“ d.o.o. Bužim, Jurišnog bataljona broj 13., 77 245 Bužim
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava